

UNIVERZITET U SARAJEVU
MEDICINSKI FAKULTET

Vijeće Univerziteta u Sarajevu-Medicinskog fakulteta

UNIVERZITET U SARAJEVU
MEDICINSKI FAKULTET
Broj: 014-5138/26
Datum: 0309 20 26 god.

Na osnovu člana 69. i 123. Zakona o visokom obrazovanju („Službene novine Kantona Sarajevo“ broj 36/22 i 28/55), člana 111. i 236. Statuta Univerziteta u Sarajevu, Vijeće Univerziteta u Sarajevu-Medicinskog fakulteta na svojoj 11. redovnoj elektronskoj sjednici održanoj 3.7.2026. imenovalo je Komisiju (odluka br. 01-4-NŠ-4058/26) za pripremanje prijedloga za izbor jednog vanrednog profesora sa dijelom radnog vremena najviše do 50% za oblast Interna medicina u slijedećem sastavu:

1. **Dr. sci. Aida Hamzić-Mehmedbašić - predsjednik**, vanredna profesorica za oblast Interna medicina, Univerzitet u Sarajevu-Medicinski fakultet
2. **Dr. sci. Damir Rebić - član**, redovni profesor za oblast Interna medicina, Univerzitet u Sarajevu-Medicinski fakultet
3. **Dr. sci. Amela Dizdraević-Bostandžić - član**, vanredna profesorica za oblast Interna medicina, Interna medicina, Univerzitet u Sarajevu-Medicinski fakultet

Na Konkurs raspisan 05.06.2026. godine, objavljen u dnevnom listu „Dnevni Avaz“ i na web stranici Univerziteta u Sarajevu-Medicinskog fakulteta prijavio se jedan (1) kandidat:

1. **Dr. sci. Nadža Zubčević (u nastavno zvanje vanredni profesor)**

Komisija stručnih službi Univerziteta u Sarajevu-Medicinski fakultet je konstatovala da je prijava kandidata blagovremena i uredna (potpuna).

Nakon uvida u dostavljeni materijal Komisija za pripremanje prijedloga za izbor nastavnika u zvanje vanredni profesor sa dijelom radnog vremena za naučnu oblast Interna medicina podnosi slijedeći izvještaj:

IZVJEŠTAJ
IZVJEŠTAJ ZA DR. SCI. NADŽA ZUBČEVIĆ

PRIJEDLOG SA OBRAZLOŽENJEM

Na Konkurs raspisan 05.06.2026. objavljen u dnevnom listu „Dnevni Avaz“ i na web stranici Univerzitet u Sarajevu-Medicinski fakultet prijavio se jedan (1) kandidat: dr.sci. Nadža Zubčević (u nastavno zvanje vanredni profesor).

Dr sci. Nadža Zubčević je završila Medicinski fakultet u Sarajevu u aprilu 1990. godine. Od 1990. zaposlena na Klinici za gastroenterohepatologiju Kliničkog centra Univerziteta u Sarajevu (KCUS). Nakon specijalističkog ispita iz interne medicine 05.04.2000. godine i priznanja statusa subspecijaliste gastroenterohepatologa od strane Federalnog ministarstva zdravstva 31.10.2014. godine, zaposlena je kao subspecijalista gastroenterohepatolog na Klinici za gastroeterohepatologiju KCUS-a. Trenutno obnaša funkciju šefa Klinike za gastroenterohepatologiju. Doktorsku disertaciju obranila na Medicinskom fakultetu Univerziteta u Sarajevu 08.10.2014. godine, pod naslovom: «Upotreba indirektnih markera u procjeni stepena fibroze i predikciji razvoja ciroze jetre kod hroničnog hepatitsa C» i stekla naučni stepen doktora medicinskih nauka.

Autor je 7 naučnih radova nakon izbora u zvanje docent, 3 prikaza slučaja, 2 kongresna saopštenja i 2 apstrakta u indeksiranim časopisima. Autor je recenzirane medicinske stručne knjige „Upalne bolesti crijeva” nakon izbora u zvanje docenta. Kao glavni istraživač učestvovala je u dva međunarodna klinička projekta. Aktivan je učesnik brojnih stručnih kongresa i seminara u zemlji i inozemstvu.

Zaposlena je na Univerzitetu u Sarajevu-Medicinskom fakultetu na određeno vrijeme u nepunom radnom vremenu od 1.2.2017. u zvanju docentice na Katedri za internu medicinu. Odlukom Senata Univerziteta u Sarajevu broj: 01-20-13/21 od 24.11.2021. godine izabrana je u akademsko zvanje docenta za oblast “Interna medicina” na Univerzitetu u Sarajevu-Medicinskom fakultetu. Kao nastavnik sudjeluje u izvođenju nastave na predmetima: Osnove Kliničke prakse, Klinička propedeutika, Interna medicina i turnusna nastava, te na predmetima za studente na engleskom jeziku: Fundamentals of Clinical Practice, Clinical Propedeutics i Internal Medicine.

FORMULACIJA PRIJEDLOGA KOMISIJE NASTAVNO NAUČNOM VIJEĆU


Nakon uvida u blagovremeno dostavljenu dokumentaciju kandidata, Komisija za pripremanje prijedloga za izbor nastavnika u zvanje vanredni profesor sa dijelom radnog vremena za naučnu oblast Interna medicina je utvrdila da kandidat dr.Nadža Zubčević ispunjava uslove propisane članom 96. Zakona o visokom obrazovanju („Službene novine Kantona Sarajevo“ broj 33/17, 35/20, 40/20 i 39/21) a u vezi sa

članom 176. Zakona o visokom obrazovanju Kantona Sarajevo („Službene novine Kantona Sarajevo“ broj 36/22 i 28/25).


Shodno navedenom, a po osnovu podnesenog Izvještaja, Komisija predlaže da se dr.sci. Nadža Zubčević izabere u zvanje vanredni profesor za oblast Interna medicina na Univerzitetu u Sarajevu - Medicinskom fakultetu, sa dijelom radnog vremena najviše do 50%.

ČLANOVI KOMISIJE

1. **Dr. sci. Aida Hamzić-Mehmedbašić - predsjednik**, vanredna profesorica za oblast Interna medicina, Univerzitet u Sarajevu-Medicinski fakultet



2. **Dr. sci. Damir Rebić - član**, redovni profesor za oblast Interna medicina, Univerzitet u Sarajevu-Medicinski fakultet



3. **Dr.sc. Amela Dizdarević Bostandžić - član**, vanredna profesorica za oblast Interna medicina, Univerzitet u Sarajevu-Medicinski fakultet



Sarajevo, 3.9.2026. godine.